



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU HRVATSKE KRŠĆANSKE DEMOKRATSKE UNIJE BOSNE I HERCEGOVINE

Broj: 03-07-6-383/18
Sarajevo, 18.06.2019. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Hrvatske kršćanske demokratske unije Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je Hrvatska kršćanska demokratska unija Bosne i Hercegovine prekršila odredbe član 4. stav (1), člana 5. stav (4), člana 11. stav (1) i člana 12. stav (1), (2), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske kršćanske demokratske unije Bosne i Hercegovine za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska kršćanska demokratska unija Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	8.618,90	14,77
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.200,00	2,06
7.	Prihodi iz budžeta (3-f)	48.535,83	83,17
8.	Prihodi od propagande (3-g)	0,00	0,00
I	Ukupni prihodi (1-8)	58.354,73	100,00
II	Ostali prihodi i drugo	0,00	0,00
	Izvori finansiranja (I+II)	58.354,73	100,00

U godišnjem finansijskom izvještaju stranka je iskazala ukupne rashode u iznosu od 17.050,01 KM.

2. PREDSTAVLJANJE POLITIČKE STRANKE

Naziv političke stranke: Hrvatska kršćanska demokratska unija Bosne i Hercegovine. Skraćeni naziv stranke je HKDU BiH.

Politička stranka je upisana je u registar kod Županijskog suda u Livnu, rješenjem broj: R-I-7/96 od 14.06.1996. godine, dok su rješenjima Općinskog suda u Mostaru broj: R/3-09 od 26.10.2009. godine i broj: R/5-14 od 08.12.2014. godine upisane izmjene podataka o licu ovlaštenom za zastupanje i predstavljanje stranke.

Sjedište stranke je u Mostaru, Dr. Mile Budaka br. 126.

Lice ovlašteno za predstavljanje i zastupanje stranke je Ivan Musa, predsjednik.

Lice ovlašteno za podnošenje finansijskih izvještaja za 2017. godinu je Ivan Musa.

Prema podacima iz godišnjeg finansijskog izvještaja za 2017. godinu, Hrvatska kršćanska demokratska unija Bosne i Hercegovine ima sljedeću organizacionu strukturu:

- Glavni odbor Mostar i
- 15 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske kršćanske demokratske unije Bosne i Hercegovine za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske kršćanske demokratske unije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Hrvatske kršćanske demokratske unije Bosne i Hercegovine u periodu od 2007. do 2016. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2016. godinu, izdat je izvještaj o pregledu sa mišljenjem revizora, nalazima i preporukama stranci da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom, odnosno da uspostavi tačne evidencije o obavezama u svojim poslovnim knjigama i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Hrvatska kršćanska demokratska unija Bosne i Hercegovine nije ispoštovala date preporuke.

5. NALAZI I PREPORUKE

5.1 NALAZI

a) Hrvatska kršćanska demokratska unija Bosne i Hercegovine prekršila je odredbe člana 4. stav (1)¹ Zakona o finansiranju političkih stranaka.

Programom utroška sredstava za 2017. godinu, Hrvatska kršćanska demokratska unija Bosne i Hercegovine je na nivou stranke planirala troškove u iznosu od 50.000,00 KM, bez navođenja strukture planiranih troškova.

Analizom dostavljenog Programa utroška sredstava utvrđeno je da isti nije sačinjen na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima.

S obzirom da sredstva nisu utrošena u skladu sa programom utroška za 2017. godinu, stranka je prekršila odredbe člana 4. stav (1) Zakona o finansiranju političkih stranaka.

¹ Finansijska sredstva iz člana 3. stav (1) Zakona o finansiranju političkih stranaka, stranka može koristiti isključivo za ostvarivanje ciljeva utvrđenih svojim programom i statutom.

b) Hrvatska kršćanska demokratska unija Bosne i Hercegovine prekršila je odredbe člana 5. stav (4)², člana 11. stav (1)³ i člana 12. stav (1)⁴, (2), (4)⁵ i (5) Zakona o finansiranju političkih stranaka.

Pregledom godišnjeg finansijskog izvještaja i finansijske dokumentacije, utvrđeno je da Hrvatska kršćanska demokratska unija Bosne i Hercegovine nije u poslovnim knjigama i godišnjem finansijskom izvještaju izvršila pravilnu klasifikaciju prihoda, nije pravilno vodila blagajničko poslovanje, nije uspostavila adekvatnu evidenciju o svojim prihodima i nije popunila godišnji finansijski izvještaj za 2017. godinu u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

- (1) Pregledom poslovnih knjiga i godišnjeg finansijskog izvještaja utvrđeno je da je stranka otpis obaveza prema dobavljačima u iznosu od 8.618,47 KM⁶ i prihod od kamata u iznosu od 0,43 KM iskazala kao prihod od imovine u ukupnom iznosu od 8.618,90 KM.

Prihod, koji je ostvaren otpisom obaveza prema dobavljačima, predstavlja nenovčane donacije od pravnih lica, koje je stranka trebala u godišnjem finansijskom izvještaju prijaviti u skladu sa odredbama člana 5. stav (4) Zakona o finansiranju političkih stranaka.

Na osnovu svega navedenog utvrđeno je da je Hrvatska kršćanska demokratska unija Bosne i Hercegovine, ostvarila prihode od imovine samo u iznosu od 0,43 KM, a ne 8.618,90 KM kao što je iskazala u godišnjem finansijskom izvještaju za 2017. godinu.

Prijavljivanjem pogrešno klasifikovanih prihoda u finansijskom izvještaju, stranka je prekršila odredbe člana 12. stav (4) Zakona o finansiranju političkih stranaka i člana 13., 16. i 18. Pravilnika.

- (2) Uvidom u naloge za isplatu iz blagajne iz koje su isplaćena sredstva u iznosu od 9.510,00 KM, utvrđeno je da Glavni odbor stranke nije pravilno vodio evidencije o blagajničkom poslovanju. Blagajničke isplatnice nisu potpisani od strane ovlaštenih osoba, što nije u skladu sa principima blagajničkog poslovanja. Takođe je utvrđeno da isplatnice nisu potpisani od strane blagajnika, niti sadrže potpis lica koje je kontrolisalo isplate.
- (3) Politička stranka u godišnjem finansijskom izvještaju nije uključila koristi ostvarene od aktivnosti udruženja Hrvatski narodni sabor Bosne i Hercegovine, koje je povezano sa političkom strankom, jer je stranka članica ovog udruženja⁷, čime je prekršila odredbe člana 12. stav (2) Zakona o finansiranju političkih stranaka.
- (4) Uvidom u poslovne knjige i dodatnu finansijsku dokumentaciju, utvrđeno je da je Hrvatska kršćanska demokratska unija Bosne i Hercegovine na dan 31.12.2017. godine imala ukupne obaveze u iznosu od 32.212,35 KM, i to: obaveze po osnovu zajma prema cesionaru „Alpen-Mit“

² Političke stranke dužne su voditi evidencije o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

³ Politička stranka dužna je voditi poslovne knjige i podnositi finansijski izvještaj na način koji je utvrđen zakonom i drugim propisima u skladu sa zakonom.

⁴ Politička stranka vodi evidenciju o svojim prihodima i rashodima.

⁵ Do 31.3. naredne godine politička stranka podnosi finansijski izvještaj u formi koju odobri Centralna izborna komisija BiH.

⁶ Predsjednik stranke je donio odluku o otpisu obaveza prema dobavljačima iz 2012. i 2014. godine zbog zasterjelosti.

⁷ Hrvatski narodni sabor Bosne i Hercegovine kao udruženje promovira političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

d.o.o. Široki Brijeg⁸ u iznosu od 32.079,82 KM i obaveze prema dobavljačima u iznosu od 132,53 KM, koje je iskazala u obrascu 5.2 (ostale obaveze) godišnjeg finansijskog izvještaja, čime je prekršila odredbe člana 24. Pravilnika.

Stranka je bila u obavezi da u obrascu 5.1 (obaveze političke stranke po kreditima i pozajmicama) godišnjeg finansijskog izvještaja iskaže obaveze po osnovu zajma prema dobavljaču „Laktat“ d.o.o. Posušje⁹ koji je svoja potraživanja ustupio dobavljaču „Alpen-Mit“ d.o.o. Široki Brijeg kao cesionaru u iznosu od 32.079,82 KM.

- (5) Dana 18.09.2018. godine, Centralna izborna komisija BiH uputila je stranci Zahtjev za dostavljanje dodatne dokumentacije, broj: 03-07-6-383-2/18 kojim je od stranke zatraženo da dostavi: bruto bilans na dan 31.12.2017. godine, glavnu knjigu sa kompletnom analitičkom evidencijom za period 01.01.-31.12.2017. godine, dokumentaciju o korišćenju poslovnih prostora u 2017. godini, dokumentaciju o nenovčanim priložima, dokumentaciju o ostvarenim prihodima od imovine u vlasništvu političke stranke, Program utroška sredstava za 2017. godinu, kopiju izvoda sa transakcijskog računa, broj: 3381002201863744 kod UniCredit banke i izvod otvorenih stavki na dan 31.12.2017. godine za cesionara „Alpen-Mit“ d.o.o. Široki Brijeg.

Na zahtjev Centralne izborne komisije BiH da dostavi izvod otvorenih stavki na dan 31.12.2017. godine za cesionara „Alpen-Mit“ d.o.o. Široki Brijeg, Hrvatska kršćanska demokratska unija Bosne i Hercegovine je dostavila dopis od 01.10.2018. godine u kojem je obavijestila Centralnu izbornu komisiju BiH da nije u mogućnosti da dostavi traženi izvod jer ovo pravno lice više ne posluje.

Međutim, kontrolom izvoda stranke utvrđeno je da je stranka tokom 2017. godine uplatila cesionaru iznose u četiri tranše po osnovu cesije, i to: 10.03.2017. godine iznos od 6.000,00 KM, 24.04.2017. godine iznos 7.000,00 KM, 11.08.2017. godine iznos od 7.000,00 KM i 12.12.2017. godine iznos od 7.000,00 KM, što ukupno iznosi 27.000,00 KM, što ukazuje na činjenicu da je cesionar „Alpen-Mit“ d.o.o. Široki Brijeg poslovao i tokom cijele 2017. godine.

S obzirom da stranka u predviđenom roku od 10 dana nije dostavila izvod otvorenih stavki za cesionara „Alpen-Mit“ d.o.o. Široki Brijeg, prekršila je odredbe člana 12. stav (5) Zakona o finansiranju političkih stranaka.

5.2 PREPORUKE

Preporučuje se Hrvatskoj kršćanskoj demokratskoj uniji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva troši isključivo za ostvarivanje ciljeva koji su utrdeni programom i statutom stranke,***
- ***da poslovne knjige vodi u skladu sa računovodstvenim propisima, odnosno da vodi potpune i tačne evidencije o svojim prihodima,***
- ***da u finansijskom izvještaju uključuje sve koristi ostvarene od aktivnosti udruženja koje je povezano sa političkom strankom,***

⁸ Ugovor o ustupanju potraživanja (ugovor o cesiji) od 03.08.2016. godine, nastao po ugovoru o zajmu, broj: LK-02-03-627/2012 od 21.11.2012. godine.

⁹ Ugovor broj: LK-02-03-627/2012 od 21.11.2012. godine.

- *da u poslovnim knjigama evidentira sve donacije uključujući i nenovčane,*
- *da blagajnu vodi u skladu za propisima blagajničkog poslovanja,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja i drugu dokumentaciju koju od nje zatraži Centralna izborna komisija BiH.*

KOMENTAR

Hrvatska kršćanska demokratska unija Bosne i Hercegovine nije se očitovala u datom roku na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Mr.sc. Goran Cicović

Šef službe za reviziju, revizor

Mr.sc. Hasida Gušić